



Facilis Et Succincta S.S. Canonum Doctrina

Pirhing, Ehrenreich

Dilingæ, 1690

§. V. De expensis faciendis pro funere Prælati defuncti, & electione
Successoris.

[urn:nbn:de:hbz:466:1-61641](#)

conceditur, in relato c. quia propter. Ita tamen ut singulis in solidum committat potestatem suo loco eligendi, ut scilicet unus sine altero eligere possit, & uno impedito, aut reculante, alter vices sup- pleat, & inter hos detur locus præventioni, nisi ex mandato procuratorio ille admittendus videatur, qui priore loco nominatus est: qui duo quidem vota habebit, unum ex proprio nomine, tanquam Capitularis illius Ecclesie; alterum nomine procuratorio, illius scil. nomine, cuius procuratorem agit; in casu tamen, quo cum mandato generali tantum constitutus est, non potest in scrutinio alium suo nomine, & alium illius nomine, cuius procuratorem agit, nominate, prout expressè statuit Pontifex in c. si quis 46. b. t. in 6. nisi de speciali Persona eligenda speciale mandatum habeat; sicuti enim in casu generali tantum mandati constituti Procuratoris industria relinquitur, qua nam Persona digna videatur, ut eligatur, non possit autem idem ipse jam hunc, jam alterum dignitatem altero judicare, consequenter in casu talis generalis mandati ad eligendum, non potest alium suo nomine, alium procuratorio nomine nominare, sicuti potest in casu specialis mandati ad specialem personam procuratorio nomine nominandam.

Reff. 2. Casu quo nullus ex gremio in se suscipere velit procuratoris officium, in ordine ad eligendum, absens nomine, neque Capitulum velit extraneum admittere, non potest absens Capitulatis per litteras suum suffragium, & votum submittere, si accurate servari debeat in tali electione forma scrutinij in relat. c.

quia propter praescripti, ut patet ex cit. c. si quis. cum enim juxta c. Quia propter, non ante scrutinium, sed in hoc secreto, & sigillatim suffragia ferenda sunt, consequenter nullum est suffragium, quod ante scrutinium scriptum est; nisi per conspirationem, & fraudem nullus procuratoris in le munus suscipere velit, quo in casu impeditus Capitularis, qui legitime procuratorem constituere vult, potest de iniuria, & contemptu agere, ac petere rescissionem electionis argu. c. cum dilectus, 32. b. t.

§. V.

*De expensis faciendis pro funere
Prælati defuncti, & Electione
Successoris.*

Pro exequijs & funere defuncti ordinati, & moderati sumptus, pro famulis etiam, & officialibus defuncti &c. debent prestari ex redditibus Ecclesie vacantis, seu ad mensam Episcopalem spectantibus; & si hi non sufficient, debet etiam Capitulum ex redditibus sua mensa, subliuum afferre, cum non tantum Ecclesie, sed ipsius etiam Capituli intersit, honorifica Prælati sepultura. Expensas autem in electionem successoris necessaria faciendas, Ecclesia vacans omnes subministrare debet, non tantum, que fieri debent in nuntijs mittendis ad convocandos absentes Capitulares, in Notarios, Jurisperitos necessarios &c. sed illa etiam, que fieri debent ad petendam confirmationem &c. c. ut præterea 45. b. t. Cum haec omnia fiant principaliter in bonum Ecclesie. Quod si vero electio oppugnetur, quis

ex-

expensas suggestere debet opponentibus, aut prolequentibus eam, ex diversis iuribus defumi debet: si enim major pars Capitularium, electionem factam contra minorem partem opponentem prosequatur, expensas subministrare debent prosequenti parti Prælaturæ bona, dummodò bonâ fide agat, (quia habet præsumptionem pro se) sive vincat, sive succumbat: minor verò pars, si prosequatur electionem contra majorem partem, aut opponat se contra electionem à majore parte factam, expensas ad hanc item necessarias ipsa facere deberet, & si non vincat, repeteret non potest ab Ecclesia, cùm non præsumatur, in utilitatem Ecclesiæ egisse: quod longè verius est, si unus tantù n contra reliquos in electione concordes agat, & succumbat, vel si ipse electus contra majorem Capituli partem se opponat, sui electionem defensurus, & succumbat, cum in talibus casibus potius præsumatur suum negotium tales agere, quam negotium Ecclesiæ.

§. VI.

De Administratore constituto, sede vacante, ejusque potestate, & ad quem spectent fructus, securidus Prælatura vacantis?

Resp. 1. De jure communi quidem & ordinario, vacante sede, ad Capitulum spectat administratio. c. his que 11. & c. cùm olim 14. de majorit. & obed. sapè tamen alias à Capitulo constitui sollet, tam in spiritualibus, quam in temporalibus administrator, cui tamen, quavis cum plenâ & liberâ potestate constitutus sit, non competit collatio

beneficiorum, ad solum Episcopum pertinens, nisi à Pontifice ille datus sit c. is cui 42. b. t. in 6. juncta Gloss. V. soli, aut alienatio bonorum immobilium Ecclesiæ, quæ, nec adhibitâ etiam solemnitate, administratori à Papa etiam constituto, in relat. c. is cui. conceditur.

Resp. 2. De redditibus sive fructibus Ecclesiæ vacantis nihil sibi usurpare, aut occupare posse Capitulares, sub pena suspensionis ab officio, & quibuscumque beneficijs, usque ad plenam omnium occupatorum restitutionem c. quia sepè 40. b. t. in 6. cùm enim bona talia ad Prælaturam pertineant, & Capitulum illa debet gratis administrare, sicuti tutor pupilli bona, consequenter, vel in utilitatem Ecclesiæ expendenda sunt, vel futuro successori per administratorem reservati debent; quam constitutionem extendit Clement. statut. 7. b. t. ad omne emolumendum proveniens ex jurisdictione, & ex sigillo curia Episcopalis, aut quovis alio titulo (ut ne scil. Capitulares ansam arripiant differendi electionem) nisi certis dignitaribus vacante sede, jurisdictione ex consuetudine, privilegio, vel alio jure speciali competat, ut eni momenta etiam inde provenientia participare possint. Imò Laici, qui Regalia, Jus Advocatæ, vel custodie in bonis Ecclesiasticis sibi de novo vindicant, & ex hoc titulo bona vacantis Ecclesiæ usurpare præsumunt, excommunicantur in c. generali 13. b. t. in 6. uti & Clerici, qui, id ut fiat, positivè procurant; quam tamen excommunicationem non incurunt illi, qui sub titulo quidem Regaliorum, Custodiæ, vel Advocatæ, ex fundatione